
Учкўприк туманида 2272 нафар йигит-қиз мустақил ҳаёт оstonасига қадам қўйди

Учкўприк туманидаги барча таълим муассасаларида дилларга ўзгача шукуҳ, қалбларга олам-олам ҳаяжон соладиган, бир умр эсда қоладиган “Сўнгги қўнғироқ” тадбирлари бўлиб ўтди.

Ана шундай тадбирлардан бири Ихтисослаштирилган таълим муассасалари агентлиги тизимидаги Учкўприк тумани ихтисослаштирилган мактабида “Илмни қадрланг, илмга интилинг!” шиори остида ташкил этилди.

Учкўприк тумани ҳокими Абдоржон Асқаров мазкур таълим масканида ўтказилган “Сўнгги қўнғироқ” тадбирида иштирок этиб, Президентимизнинг битирувчиларга йўллаган табригини ўқиб эшиттирди.

Тадбирда иштирок этган давлат ва жамоат ташкилотлари вакиллари, ота-оналар ва ўқитувчилар ҳам битирувчиларни табриклаб, уларга оқ йўл тилади.

Яқунига етаётган ўқув йилида туманимиздаги умумтаълим мактабларининг 11-синфини 2272 нафар ўқувчи битириб, мустақил ҳаётга йўлланма олмоқда. Бу ўқувчиларнинг 47 нафари олтин, 7 нафари кумуш медаллар билан мактабни битираётгани эътиборга сазовордир.

Давлатимизнинг қўллаб-қувватлаши, устозларнинг фидойилиги туфайли мактаб партасидаёқ талабалик бахтига мушарраф бўлаётган иқтидорли ўқувчиларимиз ҳам анчагина. Айни пайтда 31 нафар ўқувчи хориж ҳамда мамлакатимизнинг нуфузли олий ўқув юртлари талабаси бўлишга эришди. Уларнинг ютуғидан барчамиз фахр-ифтихор туямиз.

Тадбир давомида республика ва вилоят миқёсида ўтказилган турли танловларнинг ғолиб ва совриндорлигини қўлга киритган фаол ўқувчиларга, фидоий устоз-мураббийларга фахрий ёрлик, ташаккурнома ва эсдалик совғалари топширилди.

Шундан сўнг мактабнинг иқтидорли ўқувчилари томонидан тайёрланган бадиий чиқишлар иштирокчилар эътиборига ҳавола этилди. “Сўнгги қўнғироқ” садолари эса тантаналарга яқун ясади.

2023-05-25 16:05:43